

საბაზეთო ჩანართი

# ინტელექტი

თვითმმართველობა და განვითარება

www.intellect.org.ge



№22 / 2012

## პირველი რეგიონალური კონფერენცია მუნიციპალური განვითარების საკითხებზე

ახალგაზრდა მეცნიერთა კავშირმა „ინტელექტი“ აჭარის რეგიონის მუნიციპალიტეტების სოციალურ-ეკონომიკური განვითარების საკითხებს სამეცნიერო-პრაქტიკული კონფერენცია მოუძღვნა.

აჭარის რეგიონის მუნიციპალიტეტების სოციალურ-ეკონომიკური განვითარება, გამოწვევები და პერსპექტივები – ასე ერქვა კონფერენციას, რომელიც პირველი ილის სასტუმრო რეგისტრში გაიმართა.

კონფერენციაზე მონაწილე იყვნენ აჭარის ავტონომიური რესპუბლიკის მთავრობის, უმაღლესი საბჭოს, ქედის, ქობულეთის, შუაქვეთის, ხელვაჩაურისა და ხულოს თვითმმართველობის ორგანიზაციის, აკადემიური და ბიზნესსექტორის, არასამთავრობო ორგანიზაციების წარმომადგენლები, დამოუკიდებელი ექსპერტები.

კონფერენციის ძირითადი მიზანი იყო სამთავრობო, თვითმმართველობის, საზოგადოებრივი, აკადემიური და ბიზნესსექტორის წარმომადგენლებს ერთობლივად, ერთ სივრცეში ემსჯელებათ და გაეზიარებინათ ერთმანეთისთვის საკუთარი მოსაზრებები და ხედვები რეგიონის მუნიციპალიტეტების სოციალურ-ეკონომიკური განვითარების საკითხებთან დაკავშირებით.

კონფერენცია ახალგაზრდა მეცნიერთა კავშირი „ინტელექტი“ გამგეობის თავმჯდომარემ – ლევან გობაძემ განხილა. მან ისაუბრა კონფერენციის ჩატარების წინაპირობებზე, იდეასა და მოლოდინებზე. „ინტელექტის“ ხელმძღვანელმა დამსწრე საზოგადოებას განაცხადა პროექტის „აჭარის რეგიონში ადგილობრივი თვითმმართველობის ორგანიზაციების შესაძლებლობების გაძლიერება გრძელვადიანი მდგრადი განვითარებისათვის“ (რომლის ფარგლებშიც ჩატარდა კონფერენცია) მიზნები, ამოცანები და მიღებული შედეგები, აგრეთვე ისაუბრა აჭარის რეგიონის მუნიციპალიტეტების ადგილობრივი თვითმმართველობის რეგიონალური განვითარების სტრატეგიასა და აჭარის ავტონომიური რესპუბლიკის სოციალურ-ეკონომიკური განვითარების გეგმაში, პროექტის რეალიზაციით მიღებულ შედეგების კონტექსტში.



კონფერენციის მონაწილეებს მისასალმებელი სიტყვით მიმართეს აჭარის ავტონომიური რესპუბლიკის უმაღლესი საბჭოს თავმჯდომარემ მიხეილ მახარაძემ და განათლების, კულტურისა და სპორტის მინისტრმა – გაია აბულაძემ.

კონფერენციის პირველი სესია დაეთმო პლენარულ მოხსენებებს, რომელზეც მომხსენებლებმა ისაუბრეს სოციალურ და ეკონომიკურ სფეროებში არსებულ მდგომარეობაზე, განვითარების პერსპექტივებზე.

აჭარის ავტონომიური რესპუბლიკის უმაღლესი საბჭოს საკონსტიტუციო, ოურიდიულ და საპროცედურო საკითხთა კომისიის თავმჯდომარის მოადგილემ და ჯანმრთელობის დაცვისა და სოციალურ საკითხთა კომისიის წევრმა მინური აბულაძემ ისაუბრა რეგიონის მუნიციპალიტეტებში არსებულ სოციალურ გამოწვევებზე. თავის გამოსვლაში მან ყურადღება გაამახვილა ისეთ საკითხებზე, როგორცაა – სიღარიბის დონე მუნიციპალიტეტებში და მისი ვარიაციები ტერიტორიული, სოციალური, გენდერული და ასაკობრივი ნიშნებით, სიღარიბის დაძლევის გზებსა და საშუალებებზე. მომდევნო მომხსენებელი, ვინც მსმენელის წინაშე წარსდგა, ახალგაზრდა მეცნიერთა კავშირი „ინტელექტი“ წარმომადგენელი, ეკონომი-



კის აკადემიური დოქტორი ასლან დევაძე იყო. მისი გამოსვლის ძირითად თემს წარმოადგენდა აჭარის რეგიონის მუნიციპალიტეტებში მიგრაციის პრობლემები. მან თავის გამოსვლაში ყურადღება გაამახვილა მიგრაციის სხვადასხვა ფორმასა და მათ გამოწვევებზე, მათ შორის – ტრადიციული მიგრაციის, კულტურისა და სპორტის მინისტრის განათლების, კულტურისა და სპორტის სამინისტროს განათლებისა და სტრატეგიული დაგეგმარების დეპარტამენტის უფროსმა ნაზიმ ბერიძემ ისაუბრა.

ჯანდაცვის ხელმისაწვდომობაზე, ხარისხზე, საკადრო უზრუნველყოფაზე, არსებულ პრობლემებსა და სამომავლო გეგმებზე ისაუბრა აჭარის ჯანმრთელობისა და სოციალური დაცვის მინისტრის მოადგილემ თამაზ კარანაძემ.

ბათუმის დამოუკიდებელი უნივერსიტეტის რექტორმა, ეკონომიკური მეცნიერებათა აკადემიურმა დოქტორმა – ამირან ტაყიძემ თავის გამოსვლაში ისაუბრა ადამიანური კაპიტალზე, როგორც რეგიონის

ეკონომიკური განვითარების მთავარ რესურსზე.

კონფერენციის მეორე ნაწილი მთლიანად მიეძღვნა სექციურ მუშაობას. სულ შეიქმნა ექვსი სექცია, რომლებიც დაკომპლექტდა სახელმწიფო, არასამთავრობო, აკადემიური და ბიზნესსექტორის წარმომადგენლები, დამოუკიდებელი ექსპერტებით.

- სამსჯივოს თემატიკა განისაზღვრა შემდეგნაირად:**
- ჯანდაცვისა და სოციალური სფერო;
  - განათლება;
  - საზოგადოებრივი ორგანიზაციების მდგომარეობა მუნიციპალიტეტებში. სექტორებს შორის თანამშრომლობის მდგომარეობა და პერსპექტივები;
  - მუნიციპალური დარგობრივი კლასტრები რეგიონში. შესაძლებლობები და ბარიერები კლასტრული განვითარებისათვის;
  - ეკონომიკის საზოგადოებრივი სექტორის მართვა. განვითარების ორგანიზაციული სამართლებრივი და ფინანსური ასპექტები;
  - საკუთრივი რეგისტრაცია და იბოთუკური დაკრედიტების ბაზრის ზრდის პერსპექტივები.

კონფერენციის მესამე ნაწილი დაეთმო სექციების მუშაობის შედეგების განხილვას.

სექციების მოდერატორებმა თინათინ ზარდიაშვილმა, გიორგი მასალკინმა, პარმენ ჯალალონიამ, ასლან დევაძემ, ლევან გობაძემ და მურმან ცეცხლაძემ კონფერენციის მონაწილეებს გააცნეს საკუთარ სექციებში მუშაობის შედეგები (სექციების მუშაობის შედეგებს ჩვენი ჩანართის მომდევნო ნომერში გავაცნობთ. ავტ.).

უნდა აღინიშნოს, რომ სექციებში მუშაობა წარმოადგინა აქტიურად და საინტერესოდ, რამაც შესაძლებელი გახდა კომპეტენტური და ობიექტური შეფასებები მისცემოდა არსებულ პრობლემებს, დასახულო გაცაჭირს შესაძლო გზები და განსზღვრულიყო პრობლემათა გადაჭრის რესურსები.

დასასრულს კონფერენციის მონაწილეებმა გამოთქვეს თავიანთი მოსაზრებები კონფერენციის მუშაობის შესახებ:

**ბაჩნაძე მანუჩა ბაჩნაძე**

მასალა განთავსებულია სარეკლამო ფართობზე. გამოქვეყნებული ტექსტის შინაარსსა და სიზუსტეზე გაზეთი „ბათუმელი“ პასუხისმგებელი არ არის

# პირველი რეგიონალური კონფერენცია მუნიციპალური განვითარების საკითხებზე

დასაწყისი 23.7

აჭარის ავტონომიური რესპუბლიკის უმაღლესი საბჭოს თავმჯდომარემ მიხეილ მახარაძემ აღნიშნა, რომ მსგავსი კონფერენციები აუცილებლად წაადგება რეგიონის მუნიციპალიტეტებს განვითარების საქმეში: „ინტელექტი“ სწავლობს მუნიციპალიტეტების სოციალურ-ეკონომიკურ პრობლემებს, რომელიც მოიცავს ყველა სფეროს. სწორედ ამ სფეროების სიღრმისეული ანალიზი წარმოადგენდა დღევანდელი შეხვედრის მთავარ თემს. დღეისათვის ერთ-ერთი ყველაზე მტკივნეული საკითხია სამეცნიერო და პრაქტიკული საქმიანობების ერთმანეთისგან დაშორება. „ინტელექტის“ მიერ აღნიშნული ღონისძიების ორგანიზება კი ამ ორი საქმიანობის დაახლოების მიცდელია. მართალია, ეს უცებ ვერ მოხდება, მაგრამ ამით მნიშვნელოვანი ნაბიჯი გადაიდგა, რაც რეგიონის მუნიციპალიტეტებს პრაქტიკულ საქმიანობაში აუცილებლად წაადგება.“

აჭარის განათლების, კულტურისა და სპორტის მინისტრი გია აბულაძე ამბობს,

რომ მათი სამინისტრო აქტიურად თანამშრომლობს არასამთავრობო ორგანიზაციებთან – „ცვდილობა, რომ ჩვენი პროგრამები და ახალი პროგრამების პროექტები გავაცნოთ მათ, რათა მათთან მივიღოთ ის წინადადებები და შენიშვნები, რაც გააუმჯობესებს პროგრამების განხორციელებას და შედეგებიც კარგი გვექნება. ახალგაზრდა მეცნიერთა კავშირი ინტელექტს მინდა მადლობა გადაუხადო საინტერესო კონფერენციის ორგანიზებისათვის. დღეს სამინისტრომ წარმოადგინა თავისი საქმიანობის შესახებ ინფორმაცია, სტრატეგიები და ის პროექტები, რომლებიც უკვე მიმდინარეობს. აქ გამართული დისკუსიები კი ძალიან მნიშვნელოვანია სამინისტროს საქმიანობის ეფექტურობის ამაღლებისათვის.“

„ინტელექტთან“ დიდი ხნის თანამშრომლობა გვაკავშირებს, ამ ხნის მანძილზე დაგროვდა გარკვეული გამოცდილება იმისათვის, რომ ურთიერთობის სხვა ეტაპზე გადავსულიყავით. დღევანდელი კონფერენცია კი ამის ნათელი მაგალითია. ვფიქრობ, კონფერენციაზე



განხილული საკითხები ძალიან მნიშვნელოვანია აჭარის რეგიონის თითოეული მუნიციპალიტეტისათვის. სექციებში განვიხილეთ, თუ რომელი მუნიციპალიტეტისათვის რომელი საკითხია აქტუალური. დესახეთ პრობლემების გადაჭრის გზებიც. ვიმედოვნებ, შედეგები აუცილებლად გამოადგება თვითმმართველობებს საქმიანობის ეფექტურად განხორციელებაში“ – აღნიშნა ქედის მუნიციპალიტეტის გამგებელმა ირაკლი ბარამიძემ.

ასოციაცია „გენეზისის“ ბათუმის ფილიალის დირექტორი, ბათუნა ფაღავეა კმაყოფილია როგორც ფორმატით, ისე კონფერენციის მონაწილეებით: „ფორმატი საინტერესო და პროდუქტიული იყო, კარგად შერჩეული წარმომადგენლებით, რომლებთანაც მუშაობის პროცესი კომფორტულად წარიმართა. ერთდღერი უნუგეშო ფაქტი დღევანდელი დისკუსიის შედეგად არის ის, რომ ძირეული სისტემური ცვლილებების გარეშე, მუნიციპალიტეტის დონეზე მნიშვნელოვანი განაწესებულების მიღება ვერ მოხდება, ხოლო რომ მოხდეს, ამისთვის საჭიროა სისტემის გაუმჯობესება. სექციებში ვისაუბრეთ ჯანდაცვის სისტემის ნაკლოვან და დადებით საკითხებზე. სექციის მონაწილე მხარეები – არასამთავრობო და სამთავრობო სექტორის წარმომადგენლები, დამოუკიდებელი ექსპერტები აქტიურად იყვნენ ჩართული დისკუსიაში და კონსტრუქციული, ჯანსაღი და გულწრფელი მსჯელობა წარიმართა. დიდი მადლობა ინტელექტს მსგავსი საკითხების საჯაროდ გამოტანისათვის.“

„იქვე ერთი შინაარსიანი დღე გავატარე ჩემს კოლეგებთან ერთად. საკითხი, რომელიც ეტეებოდა მუნიციპალიტეტების სტრატეგიული განვითარების გეგ-

მას, ძალიან კარგად იყო წარმოდგენილი. წარმოდგენილია, იმ ადამიანების მიერ ვგუფობა, რომლებიც გაერთიანებული არიან ახალგაზრდა მეცნიერთა კავშირ ინტელექტში, როგორ შეძლეს საკითხის ასე კარგად დამუშავება და მომზადება. კონფერენცია საინტერესო იყო იმდენად, რამდენადაც საზოგადოების სხვადასხვა სტრუქტურის მთელი სექტორი იყო წარმოდგენილი. მათ გააკეთეს ძალიან საინტერესო მოხსენებები სხვადასხვა დარგზე. კონფერენციის კულმინაციას წარმოადგენდა ურთიერთ თანამშრომლობის გეგმის დასახვა. თითოეულმა სექციამ თავისი წარმატებული მუშაობის შედეგების პრეზენტაცია წარადგინა. კარგი იქნება, თუ მსგავსი კონფერენციები ხშირად გამართება, რაც ხელს შეუწყობს საზოგადოების სხვადასხვა სექტორის წარმომადგენლების დაახლოებას, რაც სამომავლოდ მათი საქმიანობის შედეგებზე აისახება“ – განაცხადა ბათუმის შოთა რუსთაველის სახელმწიფო უნივერსიტეტთან არსებული სამეცნიერო ცენტრის დირექტორმა ემზარ ძირკვაძემ.



**P.S. კონფერენციის ორგანიზატორები, ახალგაზრდა მეცნიერთა კავშირი „ინტელექტის“ გარდა, იყვნენ აჭარის ხუთი მუნიციპალიტეტის: ქედის, ქობულეთის, შუახევის, ხელვაჩაურისა და ხულოს მუნიციპალიტეტების ადგილობრივი თვითმმართველობის ორგანოები. კონფერენციის პარტნიორი იყო ბათუმის შოთა რუსთაველის სახელმწიფო უნივერსიტეტი, ხოლო კონფერენციის საინფორმაციო მხარდაჭერები იყვნენ – აჭარის ტელევიზია, დამოუკიდებელი ტელეკომპანია „ტელეარხი 25“, გაზეთები: „ბათუმელი“ და „აჭარა“.**

## ქედაში მუნიციპალიტეტის განვითარების სტრატეგიული გეგმა განიხილეს

21 ივნისს ახალგაზრდა მეცნიერთა კავშირმა „ინტელექტმა“ ქედის მუნიციპალიტეტში, საკრებულოსა და გამგეობის წარმომადგენლებთან სამუშაო შეხვედრა გამართა, რომელიც პროექტის აჭარის რეგიონის ადგილობრივი თვითმმართველობის ორგანოების შესაძლებლობის გაძლიერება გრძელვადიანი, მდგრადი განვითარებისათვის“ ფარგლებში შედგა. შეხვედრის მთავარ მიზანს წარმოადგენდა ქედის მუნიციპალიტეტის 2012—2022 წლების სოციალურ-ეკონომიკური განვითარების სტრატეგიული გეგმის განხილვა. გეგმა ახალგაზრდა მეცნიერთა კავშირმა ქედის მუნიციპალიტეტის საკრებულოსა და გამგეობის ერთობლივ სამუშაო ვგუფთან ერთად შეიმუშავა. სტრატეგიული დოკუმენტი მოიცავს საზოგადოებრივი და ეკონომიკური სფეროს ყველა ასპექტს: სოფლის მეურნეობას, ტურიზმს, გადაამუშავებულ მრეწველობას, ბუნებრივ რესურსებს, განათლებას,

კულტურას, სპორტს და ა.შ. შეხვედრა, რომელსაც ახალგაზრდა მეცნიერთა კავშირი „ინტელექტის“ ეკონომიკის ექსპერტი ნონა ხუჯაძე უძღვებოდა, დისკუსიის რეჟიმში წარიმართა. შეხვედრის მონაწილე მხარეებმა იმსჯელეს სტრატეგიული გეგმის მნიშვნელობაზე, მის როლზე მუნიციპალიტეტის განვითარებაში და შეჯერდნენ სტრატეგიული გეგმის საბოლოო ვარიანტზე, რომელიც უახლოეს მომავალში მუნიციპალიტეტის მთავარი დოკუმენტის სახეს მიიღებს.

შეხვედრის მონაწილეების მიერ აღნიშნა, რომ ერთობლივი ძალისხმევით ძალიან მნიშვნელოვანი დოკუმენტის შექმნა მოხერხდა. სტრატეგიული გეგმაში სრულყოფილად არის ასახული მუნიციპალიტეტის პოტენციალი და განვითარების რეალური გზები.



საგაზეთო ჩანართი მომზადებულია ევროკავშირის ფინანსური მხარდაჭერით. ტექსტში მოყვანილი მოსაზრებები შეიძლება არ ემთხვეოდეს ევროკავშირის ოფიციალურ პოზიციას.

**ინტელექტი**  
საგაზეთო ჩანართი გამოიცემს ახალგაზრდა მეცნიერთა კავშირი „ინტელექტი“

საგაზეთო ჩანართის რედაქტორი: ბუჯინაძე ზინინი  
საგაზეთო ჩანართი გამოიცემს პროექტის „აჭარის რეგიონის თვითმმართველობის ორგანოების შესაძლებლობების გაძლიერება გრძელვადიანი მდგრადი განვითარებისათვის“ ფარგლებში

საგაზეთო ჩანართი „ინტელექტი“ მისამართი: ბათუმი, აღმაშენებლის ქ. №13  
ტელ.: 241650, ფაქსი: 241640  
ელ.ფოსტა: info@intellect.org.ge  
მისამართი: www.intellect.org.ge